

明史稿
衡云山人集

明文稿
衡岳山人集

南疆釋史勘本卷七目錄

○卷中事蹟類全 雪川溫氏原本

悲夫余與兄難留時之古高易氏勘定

列傳一 史可法

史可法

右督輔列傳弟一 傳云不有君子其能國乎

南渡之初所持者史閣部一人而已其餘安守

故常不達時務自謂清流而小人鳴張滿朝相

與排詆樹寇門庭強臣悍將因之擁兵安坐遙

制朝命閣部奔走撫輯內攘不給何暇計疆場
以外乎迨夫左鎮稱兵藩籬盡撤
王師長驅而入所向投戈烽鎬未及乎國門君
相已棄其社稷而遜此卽睢陽堅禦何補敗亡
况乎以一隅當百萬之衆哉攬後之應廷吉論
亦足以明天命之不祚矣雖有忠貞豈能回天
悲夫余所以讀閣部之疏而慘乎有餘慟焉爾
◎案傳中事蹟奏議多所簡畧於我本

朝聞金陵自立遣使貽書之下直云引春秋不

討賊新君不得書卽位之義將移師相問原本
僅載督輔一書亦舛缺不完全傳語義多勿貫
注夫睿親王書爲南渡之初一大關鍵也今從
史橐東華錄諸編詳校並列督輔畚書彙存
內閣乾隆間奉

命檢出裝潢

御製弁文有卽以可法比諸文天祥亦無不可
之譽忠賢遺澤垂二百年來上邀

宸鑒弃重若斯具徵

昭代右文首崇名節可弗與四海之內千載之

下共廣見聞乎勸補彙錄庶稱合璧

隆慶我文青唱以何哉此當文天翔亦無不

命鍾出楚歎後而應此即席揚舉樂何難

丙陽並到問率口萬之眾哉瞻後之思延吉論

史彙東華論前編後刻並依舊編舊編

我夫春霖王青為司典之賦一大關驗出今

猶補晉師一書多矣起不宗全輯諸善冬心貫

信娘祿舊不辭舊明於文義錄述前問佩本

南疆繹史勘本卷七

列傳一

史可法字憲之號道隣順天大興人其先以開國公
世爲錦衣百戶祖應元舉人官黃平知州有惠政語
其子從質曰我家必昌從質妻尹氏旣娠夢文天祥
入其舍生可法事親以孝聞舉崇禎元年戊辰進士
兼有文武材初授西安府推官平劇盜能聲大著遷
戶部主事厯員外郎郎中八年遷右參議分守池州
太平總理侍郎盧象昇大舉討賊改可法副使分巡

安慶池州監江北軍楚寇南下攻潁壽犯皇陵可法
所部不及千人日馳數十里後賊大至分掠宿松太
湖潛山桐城將犯安慶可法輒發兵襲擊復會同參
將潘可大左良玉總兵牟文綬劉良佐等連營堵剿
果有斬獲賊去則下馬坐積屍上計賊出沒及身所
歷州邑破陷長吏逃死狀草奏以聞授軍吏去復上
馬馳行且戰且撫賊乃不敢逼十年廷議安慶急宜
設重臣爲鎮卽擢可法右僉都御史巡撫安慶廬州
太平池州四府及河南之光山固始羅田湖廣之蘄

州廣濟黃梅江西之德化湖口諸縣提督軍務十二年丁外艱歸十四年起戶部右侍郎兼右僉都御史代朱大典總督漕運巡撫鳳陽淮安諸軍揚州漕輓歲致愆期缺額幾百萬可法卽劾罷督糧道三人增設漕儲道一人大濬南河慎選運官盡剔諸蠹弊吏部尙書李日宣等言可法文武才漕事方亟治理有效宜俟報竣召用蓋時有易可法爲鳳陽總督之議也事備明史可法感上知每自奮勵其治軍也身雜行伍間與同勞苦士不飽不先食不授衣不先御故

將士皆感激戰輒有功旣乃開屯田招流亡繕城郭
訪賢豪而咨以軍政江淮南北屹然稱一重鎮天子
嘉其能凡所奏悉報可已而賊又連破荆襄承天分
兵南犯蔓延河南山東軍書旁午可法卽屯師淮岸
賊衆望見旗幟輒遁去尋欲召爲兵部尙書檢討汪
偉曰有可法淮揚以安無可法江南必危且留之以
係東南望十六年迺拜南京兵部尙書參贊機務可
法入南都武備久弛卽奏行更新八事京營之有籍
無兵者盡按去之營中憚其威名不敢動十七年四

月朔知賊犯宮闕大會羣僚誓師勤王檄諸鎮兵並
進身卽渡江抵浦口及聞北都陷莊烈帝崩可法北
向慟哭以首觸柱血流至踵遂發喪提兵欲長驅決
戰羣僚諸將皆曰社稷無主盍先擇君以定南都是
時潞王已過江伯舟無錫初議所立謂以親則桂而
遠以賢則潞而近而不知福王已在淮上也諸大臣
之在南京者都御史張慎言侍郎呂大器詹事姜曰
廣等言福王有七不可立惟潞王賢明可定大計移
牒可法鳳陽總督馬士英先迎款於福王欲挾之以

居擁戴功亦書咨可法言以倫以序無如福王可法
卽奮以七不可之說而身還南京諸大臣議未定士
英已內結操江誠意伯劉孔昭外約靖南伯黃得功
總兵官高傑劉澤清劉良佐等發兵擁福王至儀徵
可法不得已乃與諸大臣具啟往迎五月朔王謁孝
陵奉先殿畢出居內守備府羣臣入朝可法卽陳戰
守大計謂當素服郊次發師討罪示天下以必報讐
之義王唯唯不能奮一語可法退憂形於色明日再
朝愼言以國虛無人可遂卽大位可法曰太子存亡

未卜倘南來若何孔昭言今日既定誰敢復更可法
曰稍緩數日亦無害初三日王監國廷推閣臣衆舉
可法及弼圖曰廣三人孔昭攘臂欲並列可法曰本
朝無勛臣入閣例孔昭勃然云卽我不可馬士英何
不可乃并推士英又議起廢共推鄭三俊劉宗周徐
石麒孔昭特舉阮大鍼可法曰此先帝欽定逆案毋
庸議越二日拜可法禮部尙書兼東閣大學士與弼
圖士英並仍命可法掌兵部事士英仍督鳳陽而王
以士英有建立功將專倚之可法寓書士英曰寇深

矣董高二劉之衆未盡爲國用當更立重臣開府鎮
之今日之事非可法與公誰任之者因卽合疏言守
江南必於江北當酌地利設四藩以淮揚泗廬自守
以徐鳳池大爲進攻之途兵馬錢糧皆聽鎮臣自取
給於有司勿復爲徵輸調度之擾四藩一轄淮揚一
轄徐泗一轄鳳壽一轄滁和卽以得功傑澤清良佐
爲之更立督師於揚州節制諸鎮如此則諸鎮各衛
其地無不致力而受成於督師機不遙度事不中制
士氣奮而民心定江南庶幾可保矣從之又請定京

營兵制分設營將如北京事簡精壯募義勇以實之
及侍衛與錦衣鑾儀諸司所隸軍役當多事之日俱
宜入伍操練毋坐耗錢糧至錦衣鎮撫司官不必備
亦所以杜告密節繁費收人心於新政有裨者也十
五日王卽位詔立四藩如可法議當是時士英旦夕
冀入相而廷臣皆欲士英督師士英旣聞仍督鳳陽
之命大怒密以可法七不可書陳於王而擁兵請入
覲拜疏卽馳及至謂可法曰我馭軍寬頗擾于民公
威名著淮上軍士皆憚服公誠能經營於外而我居

於中師以聽命當無不濟者可法以士英之入勢不
兩立乃曰居者守行者禦莫能偏廢既受事敢辭難
乎遂請行京師士民譁曰何乃奪我史公大學士陳
方策諸生盧經才等上疏言淮揚門戶也京師堂與
也門戶有人而堂與無人可乎勿聽翌日可法陞辭
加太子太保兵部尚書武英殿大學士百官郊餞以
行可法去士英卽以是日入直遂無所忌憚旋進得
功爲侯傑澤清良佐皆封伯自是四鎮各擁重兵愈
尊貴自恣漸不可制矣及愼言薦吳牲於朝劉孔昭

言其不可露章劾愼言

言孔昭武臣不宜與銓

選事士英陰嫉孔昭亡

相結可法歎曰黨

禍起矣上疏力言陛下無罪可飭文武臣虛衷用事報
聞尋詔可法祭告鳳陵泗陵事畢因上言曰臣伏見
二陵松楸如故佳氣鬱鬱知萬年靈祚之方未艾也
惟是北顧神州山河頓異感痛填膺不能已已連歲
鳳泗之間災異叠見天鼓一月數鳴地且三震以致
今春罹茲大禍先帝躬神明之質敬天法祖勤政愛
民一十七年有如一日尚不免身殉社稷抱恨千古